

Mawlana Shaykh Muhammad Adil ar-Rabbani

MOMIN KI EK KHAAS SIFAT

*As-Salāmu ‘Alaykum wa RaḥmatuLlāhi wa Barakātuh.
A‘ūdhu BiLlāhi Minash-shayṭāni r-raḥīm. BismiLlāhi r-Raḥmāni r-Raḥīm.
Wa ṣ-Salātu wa s-Salāmu ‘alā Rasūlinā Muḥammadin Sayyidi l-Anwālina wa l-Akhirin.
Madad yā RasūlAllāh, Madad yā Sādāti Aṣḥābi RasūlilLāh, Madad yā Mashāyikhinā,
Dastūr Mawlana Sheikh Abdullāh al-Fā’iz ad-Dāghistāni, Sheikh Muḥammad Nāẓim
al-Ḥaqqāni. Madad. Tarīqatunā aṣ-Ṣuḥbah wa l-Khayru fi l-Jam‘iyyah.*

Humare Rasool ṣallā Llāhu ‘alayhi wa-sallam farmatein hain,

المُؤْمِنُ يَأْلَفُ وَيُؤْلَفُ

“Momin dostana hai aur usse dosti ki ja sakti hai.”[Hadees sharif]. Ek momin burdbaar (sabireen), pur-sukoon, aur logon ke saath achha sulook karne wala hota hai. Woh logon ke saath mil jul kar rehta hai aur log bhi us ke saath mil jul kar rehte hain. Logon ki fitrat mukhtalif hoti hain, lehaza unhein bardasht karna momin ki sifat hai, tareeqat walon ki bhi yahi sifat hai. Aur yeh hamare Rasool ṣallā Llāhu ‘alayhi wa-sallam ki bhi sifat hai, aur yeh aap ﷺ ka pasandeeda amal bhi hai.

Isiliye, ek momin ko chahiye ke woh logon ke saath mil-jul kar rahein. Usay unhein bardasht karna chahiye. Beshak har ek ki apna mizāj, aur mukhtalif aadatein hoti hain. Agar woh unhein bardasht nahin karega to uska martaba kam hojata hai. Ek cheez Imaan hai aur ek cheez Islam hai. Ek momin hai aur ek musalman hai. Ek Momin zyada mukhlis Musalman hota hai. Har Musalman, Musalman hota hai. Chaahe woh milansaar ho ya bura sulook karne wala, gunah karne wala ho ya burai karne wala, woh Musalman ho sakta hai. Lekin momin aisa nahin hota. Momin asal mein wohi hai jo: logon ke saath accha sulook karta hai, apni ibadat adaa karta hai, Allah ﷻ ke raste par hai, haraam se darta hai aur usse bachta hai, aur neki karne ki koshish karta hai.

Isiliye, hamare Rasool ṣallā Llāhu ‘alayhi wa-sallam ke aksar kalaam-pak aur hadees shareef mukhtasar, lekin mukammal hote hain. Yeh isiliye aisa hain ke insaan unhein bhool na payein. Agar koi shakhs in par amal karta hai, usay bahot azeem ajr milta hai aur woh sukoon paata hai. Hamare Rasool ṣallā Llāhu ‘alayhi wa-sallam ke tamaam kalaam, naseehat, hidayat hamare fayda ke liye hain, insaniyat ke fayda ke liye hain. Allah ﷻ

Mawlana Shaykh Muhammad Adil ar-Rabbani

humare liye in par amal karna asaan kare. Allah ﷻ humein is kaam mein kamyab kare, InshaAllah.

Wa min Allāhi t-Tawfīq. Al-Fātiḥa.

Mawlana Sheikh Muhammad Adil ar-Rabbani
19 July 2025/ 24 Muharram 1447
Fajr Prayer – Akbaba Dergah, Istanbul